



Na sesión celebrada na data que se indica, adoptouse o seguinte

**ACORDO:**

Na cidade de Ourense, a catro de xullo de dous mil un.

**VISTO** o expediente de clasificación do monte como veciñal en man común denominado Labureiro , a solicitude dos veciños dos lugares de Souto e Valeiras, da parroquia da Pitcira, Concello do Carballiño (Ourense)

**RESULTANDO** que con data 11 de outubro de 1999 , tivo entrada no rexistro da delegación provincial da Consellería de Medio Ambiente en Ourense, escrito dirixido ó Xurado Provincial de Montes Veciñais en Man Común asinado polos veciños dos lugares de Souto e Valeiras , Concello do Carballiño (Ourense), solicitando se declare o monte "Labureiro "como veciñal en man común.

Resultando que o Xurado provincial en sesión celebrada en data 18 de maio de 2000 , acordou tomar en consideración o citado escrito e inicia-lo expediente de clasificación do monte designando instructores do mesmo a D. Miguel Ángel González Trigás e a Dona Miriam Areal López , que aceptaron tal cargo, librándose

mandamento para a anotación preventiva no Rexistro da Propiedade do Carballiño , e remitíndose comunicacións dirixidas ós veciños dos lugares de Souto e Valeiras, ó Ilmo. Sr. Presidente da Deputación provincial de Ourense, ó sr. Alcalde do Concello do Carballiño , á Delegación Provincial da Consellería de Política Territorial, Obras Públicas e Vivenda, á Xerencia Territorial do Catastro, á Consellería de Agricultura, Gandería e Política Agroalimentaria, e ó Xefe do Servizo de Montes e Industrias Forestais, publicándose edictos no *Diario Oficial de Galicia* e no taboleiro de anuncios do Concello do Carballiño , durante o prazo dun mes segundo consta en dilixencia estendida ó dorso do edicto polo secretario do citado concello, que durante o prazo sinalado en edictos para que os interesados puidesen comparecer ou intervir nel, en defensa dos seus dereitos, non consta presentada ningunha alegación..

Resultando que a anotación preventiva de iniciación do expediente, practicouse no Rexistro da Propiedade do Carballiño , como segue:

Asento número 414, do Diario 33, Anotación letra A a favor de Souto e Valieras, parroquia de Piteira , facendo consta-la existencia do expediente de iniciación de clasificación da leira coma monte vecinal en man común e que a leira pode quedar afectada pola resolución final daquel que con data de 18 de maio de 2000, se iniciou ó folio 61, do Libro 137 do tomo 481, finca 19.152

U,



Resultando que na tramitación do expediente cumpríronse tódalas formalidades legais.

Considerando que o Xurado provincial de Clasificación de Montes Veciñais en Man Común, ten xurisdicción e competencia para coñecer os expedientes de clasificación dos montes que teñan tal carácter a teor do establecido no artigo 9 da citada Lei.

Considerando que o tipo de comunidade xermánica que institúe a Lei de montes veciñais en man común ten como características esenciais as seguintes:

- 1) Que os condominios únense por vínculos persoais de veciñanza agrupados en parroquias, aldeas, lugares, casaríos ou barrios non constituídos formalmente en entidades municipais;
- 2) Que polo tanto o número de titulares é variable e indeterminado;
- 3) Que o patrimonio colectivo é utilizado e aproveitado polo veciño, en canto membro da agrupación veciñal, faltando a idea de cota no sentido xurídico-romano;
- 4) Que o patrimonio e a participación é inalleable, imprescritible e incumbargable; e
- 5) Que a comunidade é indivisible, non podendo os comuneiros pedi-la *actio communi dividundo*

Considerando que segundo informacions e testemuños resulta que os montes citados son aproveitados e posuídos en réxime de comunidade xermánica polos veciños dos lugares de Souto e Valeiras , parroquia da Pitceira , no Concello do Carballiño

Considerando que da investigación sobre o terreo, así coma da información recollida no expediente, resulta que o monte obxecto de clasificación no seu linde Norte non alcanza o termo municipal do Irixo senón que existen entre ambos propiedades particulares.

Os datos do citado monte son os que se referencian na parte dispositiva deste acordo.

Considerando que das informacions recollidas resulta que os veciños dos lugares de Souto e Valeiras , están conformes coa clasificación do citado monte como veciñal en man común.

Considerando que a teor do disposto na Lei de Montes Veciñais en Man Común, o expediente de clasificación iniciouse por acordo do xurado, a instancia dos veciños de Souto e Valciras, para que este xurado puidese acorda-la iniciación do expediente de clasificación.



Vista a Lei galega 13/1989, do 10 de outubro, de montes veciñais en man común e o seu Regulamento, o Decreto 260/1992, do 4 de setembro, así como o establecido na Lei de réxime xurídico das administracións públicas e do procedemento administrativo común do 26 de novembro de 1992

Visto o Decreto 482/1997, do 26 de decembro, polo que se establece a estrutura orgánica da Consellería de Medio Ambiente.

O Xurado Provincial de Clasificación de Montes Veciñais en Man Común, á vista dos antecedentes e fundamentos expostos e por unanimidade dos seus membros:

ACORDA:

Primeiro. - Clasifica- lo monte denominado Labureiro, de 28,5 ha, aproximadamente de superficie a favor dos veciños dos lugares de Souto e Valeiras, parroquia da Piteira, no Concello do Carballiño (Ourense), coma veciñal en man común, en réxime de comunidade xermánica.

Os datos do citado monte son:

Concello: O Carballiño (Ourense)

Denominación: "Labureiro"

Comunidade propietaria: veciños dos lugares de Souto e Valciras (parroquia da Piteira)

Superficie: 28,5 ha, aproximadamente.

Estrenas.

Norte. Propiedades particulares de : Ramón Lorenzo de la Torre, Ventura González Ferreiro, Hijos de Hermesindo Mulcero, Daniel Lorenzo Dacal, Fillos de Manuel Romero e José Bueno "Pirón"

Sur: predios privadas en termos de Souto-Valciras de: Ventura González, José Manuel González, Rogelio Pérez, Aquilino Lorenzo Novoa, e Dolores Lorenzo Marnotes.

Leste: Monte comunal do lugar de Xuio (Lobás)

Oeste: Monte comunal dos lugares de Zafra e A Lama ( A Piteira).


En dito monte existen catro marcos debidamente sinalados. Dúas fontes igualmente sinaladas no mapa e un camiño xeral de servizo que o percorre en toda a súa extensión, en dirección sur-norte.

Segundo.- Que se proceda á exclusión do citado monte de calquera inventario, catálogo ou rexistro público no que poidan figurar inscritos a favor de persoa ou entidade distinta á que agora se asigna a súa pertenza.

Notifiquese esta resolución ó sr. alcalde-presidente do Concello do Carballiño, ós representantes da comunidade veciñal, ó sr. xefe do Servizo de Montes e Industrias Forestais, ós que se lles fará saber que esta resolución, que pon fin á vía

administrativa, pode ser obxecto de recurso de reposición potestativo perante o Xurado Provincial de Clasificación de Montes Veciñais en Man Común de Ourense, no prazo dun mes, ou recurso contencioso-administrativo perante o Xulgado do Contencioso-Administrativo de Ourense no prazo de dous meses, ámbolos dous prazos a partir do día seguinte ó da publicación no *Diario Oficial de Galicia* (artigos 109 e 116 da Lei 30/1992, do Réxime xurídico das Administracións Públicas e do Procedemento Administrativo Común, e artigos 8 e 46 da Lei 29/1998, do 13 de xullo, reguladora da xurisdicción contencioso-administrativa.





das  
Avespds

NORTE: MONTE DE CANGUES  
(Jilxo)

P-18

OESTE: MONTE VECINAL  
Lama (Piteira y...)

FUENTE  
(O REGUÑO)

ESTE: MONTE VECINAL  
Xuyo (lobanes)

SUR: FINCAS PRIVADAS

FUENTE (O FARDEL)

MOJON

MOJON

MOJON

MOJON

VALPRIO

CONFINES

675

680.5

650

625

617.5

525

600

600